

「用科技，融生活」微電影劇本創作比賽

《傳承愛》

主要角色：

根叔（根）：年過 70，因傷需要輪椅代步。

阿華（華）：根叔的兒子，年約 35。

阿芳（芳）：阿華的妻子，懷孕 7 個月。

文文（文）：阿華和阿芳的女兒，讀小二年級。

醫生（醫）：替根叔治療的醫生。

男童（童）：初小年級學生。

男人（男）：男童的爸爸。

根叔坐在輪椅上，眼神悶悶不樂地凝望著窗外，樓下有個公園，許多小孩正在歡天喜地玩耍，與根叔臉上的愁容形成強烈的對比。

幾個星期前的某日，根叔正在打掃客廳，他拿起一個相架，細心地抹走上面的灰塵，一邊清潔一邊對著相中人說道。

根：伯爺婆，文女今年升小二喇，佢好乖，成績都唔錯，

個傻女仲係成日要我帶佢去公園玩。阿芳有咗 7 個月

咯，今次係個仔嚟，啱啱湊成個好字，可惜妳去得早，

見唔到個孫仔。

說完想把相架放回櫃去，但因不夠高，就踏在一張椅子上借力，但椅子突然失去平衡，根叔狠狠地跌倒在地。

大門打開，打斷了根叔的沉思，進來的是阿華、阿芳

和文文。文文一入屋，便隨即向根叔跑去，抱著他。

文：爺爺！

根：文文，俾爺爺抱下先。今日有冇曳曳豬呀？

文：梗係冇，老師仲讚我啲畫畫得靚添。

根：係呀，咁要擺比爺爺睇吓有幾靚咯。

阿華扶著阿芳坐下。

華：阿爸。

芳：阿爸。

根：嗯。阿華，家嫂粗身大細，需要多啲休息架，你哋唔

使成日過蒞探我，我識照顧自己喇。

芳：其實係我要阿華帶我出去行下，文文又話掛著爺爺，

咪上蒞睇你囉，大肚婆活動一下對生仔好呀。

華：係呢，阿爸你今日見點呀？

根：唉，都係咁啦，人大咗身體係差啲架喇。

文：爺爺，你好耐都有同我哋出街街咯，公園嗰度裝咗新

嘅瀟滑梯，你快啲好返帶我去玩啦。

根：嗯，快架喇，文文咁乖，第日爺爺帶你去食大菜糕好

唔好？

文：好嘢！我仲想食雪糕同去公園……

阿華望著父親，想起與醫生的對話。

華：醫生，我阿爸佢情況點呀？

醫：病人傷得幾嚴重，盤骨同大腿都有骨裂，加上年紀有咁上下，恢復會比較慢，短期內唔適宜步行。通常病人喺突然失去行動能力嘅情況下，心理嘅影響會尤其大，特別需要家人支持。

華：阿爸，你咁耐冇出去，不如今個星期日我地一齊去公園行吓。

芳：係咯阿爸，醫生都叮囑過我哋多啲帶你去吸吓新鮮空氣同曬吓太陽，對你康復會好有幫助。

根：唉，我依家咁嘅樣，出入好唔方便，搵廁所又麻煩，你又要睇住家嫂同文女，邊照顧到咁多人？唔好喇，我留係屋企睇下電視得架喇，你哋自己去啦。

阿華和阿芳亦無可奈何。

公園裡，阿華和文文在玩滑梯，玩完之後，文文坐下休息，阿華為她抹汗。

華：玩到成身汗，快啲抹下先。

文：爸爸，好好玩呀，不如聽日都蒞啦。

華：但係琴日先蒞過咋喎。

文：唔同架，今日玩咗瀟滑梯，聽日玩鞦韆吓嘛。

華：嗯…咁好啦，文文乖嘅話就帶你蒞啦。

文：好嘢好嘢，唔准吹牛架，我哋勾手指吓。

華：古靈精怪。

文、華：勾勾手指尾，邊個吹牛就排第尾。

這	段	勾	手	指	的	情	景	讓	阿	華	回	想	起	一	段	往	事	。							
某	公	園	的	眺	望	台	，	一	個	男	人	抱	著	一	名	男	童	在	看	風	景	。			
男	:	你	睇	，	日	落	係	咪	好	靚	呢	？													
童	:	嗯	，	好	似	隻	鹹	蛋	黃	咁	呀	，	爸	爸	不	如	聽	日	放	學	都	蒞	咯	。	
男	:	聽	日	又	蒞	呀	，	乜	你	睇	唔	厭	咩	？											
童	:	唔	厭	唔	厭	，	到	一	百	歲	都	唔	厭	。											
男	:	到	嗰	陣	爸	爸	都	老	到	行	唔	郁	咯	。											
童	:	咁	到	時	就	等	我	預	你	蒞	啦	。													
男	:	預	我	？	係	咪	真	架	？	唔	好	吹	牛	嗎	。										
童	:	梗	係	真	，	我	哋	勾	手	指	一	言	為	定	吖	。									
男	:	哈	哈	…	又	好	。																		
童	、	男	:	勾	勾	手	指	尾	，	邊	個	吹	牛	就	排	第	尾	。							
二	人	展	露	著	純	真	、	燦	爛	的	笑	容	。												
數	日	後	，	在	根	叔	的	屋	企	。															
華	:	阿	爸	，	今	日	我	帶	你	去	一	個	地	方	，	你	實	鍾	意	。					
根	:	吓	？	出	街	咁	唔	方	便	，	上	次	咪	講	咗	話	唔	去	囉	。					
華	:	我	今	次	做	足	功	課	，	包	冇	問	題	。											
根	:	唉	！	去	邊	呀	？																		
華	:	去	到	你	就	知	架	喇	。																
阿	華	沒	等	根	叔	反	對	，	主	動	推	他	出	門	。	在	大	廈	門	口	見	有			
一	輛	的	士	停	泊	，	阿	芳	和	文	文	已	在	車	上	等	候	。							
文	:	爺	爺	！																					

華：睇下，我一早上網預約咗部無障礙的士，一落樓就上
得車，夠晒方便。

阿華扶根叔上車坐好，司機把輪椅放上車，一家人乘
的士往目的地去，途中根叔不時望向窗外，好像小孩子發
現新奇的事物。到達目的地，原來是一個公園。

根：唉，蒞公園做乜啫，上上落落咁唔方便。

華：呢個公園有專為輪椅人士而設嘅斜坡，又可以用無障
礙電梯，步行徑又夠平整，好適合你架。

根：如果要去廁所咁點算吖？

華：唔怕，裡面有無障礙洗手間。我事先已經上網搜尋過
有關無障礙出行嘅資訊，搵咗邊度地方有合適嘅設施，
預先規劃好路線，擔保萬無一失。

芳：係呀阿爸，我哋仲可以利用互聯網查找邊度餐廳有合
適嘅無障礙設施，好似車位、哺乳室、訂位等等，甚
至可以用部手機做導航，仲有語音翻譯功能，就算孕
婦、兒童、老友記一齊出行都完全無難度啦。

文：好野，咁以後爺爺就可以成日同我哋出街街咯。

根：原來依家啲科技可以咁方便，爺爺真係大鄉里。

文：唔怕呀爺爺，我可以教你架。

根：哈哈…咁爺爺要跟文文學習咯。

華：阿爸，我帶你去一個地方。

阿華把根叔推到一處位置，那裡是個小山丘，有個眺
望台可以遠眺山下的景色。

華：阿爸，仲記唔記得呢度？以前你成日帶我蒞睇日落架

呢？

根：係呢度？你唔講我真係唔認得，自從搬咗屋之後就未

蒞過喇，沿路變咗好多，周圍景色都唔同晒。

華：係呀，以前要爬先上度蒞，依家輪椅都可以到。阿爸，

我有欠牛架，唔使排第尾喇。

根：嗯？哦…你講嗰件事，哈…哈（笑），有乜分別，反

正你成績一向都排第尾架啦。（停頓）。嗯，雖然好

多野都唔同晒，但係呢度嘅日落仲係同當年一樣咁靚。

二人凝望長空，時光倒流到 30 年前，同一個位置，站
著一個男子，他抱著一個男孩，眺望著夕陽西下的美景。

科技融入生活·傳承有愛家園

【故事完】